



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 07/06/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Mobilitéit & Energie weiderzeleeden.

D'Regierung huet am Koalitiounsofkommes d'Transitioun op d'Elektromobilitéit als ee Käruleies definéiert, woubäi d'Part vum Elektroauto op eise Stroossen iwwert den Taux vun aktuell 1,8% klamme soll. Fir de gudden Fonktionnement vun dësem Projet ze erméiglechen, musse flächendeckend elektresch Luedestatioune gebaut ginn. An dem Kontext stellt sech déi kruzial Fro wéi ee wirtschaftleche Modell fir den Ausbau vum Reseau geholt gi soll. Am Koalitiounsaccord huet déi lëtzebuergesch Regierung zu dësem Thema Folgendes festgehalten: *"Les études en cours en vue de permettre l'installation de stations à recharge à haute puissance pour véhicules électriques sur les aires d'autoroute [...] seront finalisées à brève échéance en vue de déterminer le modèle économique approprié (concession ou Etat-opérateur)." (Säit 161)*

An deem Zesammenhang wéilt ech de Ministeren dës Froe stellen:

- 1. Besëtzen d'Ministeren aktuell Zuelen an Erklärungen zu der Part vum Elektroauto zu Lëtzebuerg?
- 2. Sinn déi a menger Introduktioun genannten Etüde schonn finaliséiert? Falls nee, wéi wäit sinn d'Ministère mat der Aarbecht un dësen Etüden? Wéini gedenken d'Ministeren déi genannten Etüden ze publizéieren?
- 3. An eisem Nopeschland Däitschland investéieren zur Zäit grouss Autofirmen an de Reseau vun den Opluetstatioune. Wäert d'Regierung sech an dem Kontext um däitsche Modell orientéiere fir private Firmen d'Méiglechkeet ze ginn an den Energiereseau ze investéieren?

Mat déiwem Respekt,

GOERGEN Marc
Député



www.piraten.lu